

requiruntur, quam ad bonitatem, conclusimus actum electionis semper suam essentialem speciem malitiae ab obiecto suo proximo, & immediato desumere, ac idem pariformiter ascendendum de intentione; licet enim, ut actio sit bona, non tantum requiratur obiectum bonum, sed etiam ut directe, & expresse sit volitum, ut tale; nihilominus ut sit mala, etiam essentialem sufficit obiectum malum esse volitum, ut supra ostendimus, ac solum interpretative, siquidem malum ex quoque defectu resultat. Confirmatur, ex alia regula ibi tradita, quod illa species moralitatis censeri debet prima, & essentialis in actu, quae nunquam mutatur, illa vero accidentalit, quae mutatur, manere adhuc actu in eadem specie moris; quando ergo quis furatur ad machinandum, cum actus furci esse nequeat sine malitia in iustitia, bene tamen sine malitia machinatur, dicendum est illam ex medio desumptam esse accidentialem in genere moris, hanc vero sine desumptam esse accidentialem, & sic in aliis pariter discurrendum erit. Tandem id quod tribuit primam malitiam actioni, nec supponit eam in genere moris constitutum, tribuit speciem essentialis: sed obiectum proxime terminatum tribuit primam malitiam electioni, cum prius intellectio transire intelligatur super suum obiectum proximum, scilicet medium, quam respiciat finem, unde vocari solet assensum a mediis ad finem, ergo essentialis; maior patet, quia si est prima in genere moris, ergo non accidentalis: quia accidens supponit aliquid in eo genere constitutum substantialem, in quo dicitur accidens; minor etiam patet ex dictis, quia ad tribuendum malitiam sufficit sola terminatio ab obiecto, motione idem pariformiter dicendum de obiecto proximo intentionis, quod, scilicet, ab eo sumat intentio primam, & essentialis malitiam speciem, non qua movens, sed qua immediatè terminas: ubi nota, hanc doctrinam habere locum, si ve intentionis, & electio impotentis diversos voluntatis actus, si ve unum, & eundem, ut evenit interdum, ut dixi *disp. de anima 7. art. 1.* ita enim quavis esse unus actus, tamen ille ipse, quatenus electio habet suam essentialis malitiam a medio & quatenus intentio a fine.

236 Neque fundamentum primae sententiae urget de malitia, ut etiam Vaquez ipse concedit, illa *disp. 6. 3. num. 20.* ubi ait non oportere affectum ferri in obiectum malum propter eius malitiam, vel aliqua alia peculiari ratione, ut specificetur ab eo etiam essentialiter, quia minus requiritur ad specificandum actum in specie mali, quam in specie boni. Ad confirmationem licet concederetur maior de actu in esse naturae consideratio in specie malitiae, quae non necessario postulat obiectum motuum, ut refundatur in actum. Dices *Arist. 2. Ethic. 2.* qui foratur propter adulterium magis est adulter, quam fur: ergo prima species malitiae sumitur ex fine. Negatur consequentia, quia aliter, si specificatio operantis, quam actus, alid enim est locum de actionibus ipsis, scilicet, intentione, & electione, ut foratur, & adulterium; aliud de ipso operante, qui denominatur simul fur, & adulter; Arist. loquitur de specificatio operantis, non operis, & rectè loquitur, quia adulterium est magis operanti voluntarium, quam fur, & ideo magis ab eo denominatur, quam ab isto, & quidem in hoc casu non dicitur operans magis adulter, quam fur ab actu electionis, sed intentionis, quae utique specificatur a fine, tanquam ab obiecto proximo. Dices cum Caeter. hinc sequi finem semper esse circumstantiam male electionis, cum nunquam det primam speciem sed hoc est falsum, quia cum quis furatur propter adulterium ratio formalis, quae movet ad furum, est adulterium, ergo non potest esse circumstantia actus volendi, ratio enim formalis non est circumstantia. Tum quia, cum quis vult furari propter adulterium, primum quod vult est fornicatio; quia furum vult propter fornicationem; ergo essentialiter ab ea specificabitur.

Respondetur negando minorem; ad primam probationem negatur consequentia, etiam quoad speciem malitiae tribuendam ratio formalis, seu obiectum formale, est obiectum proximum, quod scilicet, immediatè actum terminat, est propter alid, quia ut det primam speciem, non est necesse, quod sit obiectum motuum, & propter se volitum, sed sufficit, quod sit proxime, & immediatè terminatum. Ad aliam probationem non negatur consequentia, quia aliud est loqui de operante, aliud de operatione, ille enim specificatur, ac denominatur principaliter ab intentione, & ab obiecto motivo, hec vero specificatur ab obiecto proxime terminativo. praelertim in specie malitiae: Ex quo colligitur, quod si sint duae electiones, quarum una quaeque habeat obiectum proximum specie diversum, si ex eodem sunt motivo, ex fine extrinseco, ut si propter fornicationem fuerit commisso, & peritrium, futurae essentialiter specie diversae ex malitia suorum obiectorum, licet accidentaliter eandem speciem esse possint ex malitia finis, quam communitur accipiunt.

Quid sit de Bonitate dicendum.

237 Quid vero sit de bonitate dicendum, & resolutione praecedentis difficultatis deduci potest; Quando enim obiectum electionis est per se bonum, & proxime amatur propter suam bonitatem, cum relatione ad alium finem extrinsecum habeantem bonitatem formaliter distinctam, tunc species ex obiecto desumpta est essentialis illi actui, desumpta vero ex fine est accidentalit; ut tertius opinio dicebat; cuius ratio est, quia bonitas obiecti ex se sufficiens esse dicitur actui speciem virtutis: ergo si actus proxime, & immediatè tendit in obiectum propter propriam ipsius honestatem, utique sumet ab eo primam, & essentialis virtutis speciem. Confirmatur, quia in tali casu bonitati applicari potest regula iam tradita de malitia, quia hec species ex obiecto desumpta est invariabilis in tali actu; voluntas enim dandi elemosinam propter honestatem illius obiecti semper est in specie misericordiae, si ve referatur in finem penitentiae, si ve religionis, si ve in quocunque aliud bonum. Caretur hic statim recurrit difficultas iam tacta n. 228. si enim quis eligat medium, non tantum eo quod utile est ad alium finem, sed simul etiam eo quod honestum est in se, tunc utriusque talis actus habet suam bonitatem essentialis a tali obiecto, sed tunc tale obiectum potius habet rationem finis, quam medii, & talis actus non est pura electio, de qua tractamus, sed est quae iam particularis intentio extrinseca ordinata ad ulteriorem finem, ut Suarez ipse fatetur *sect. 6. cit. n. 6.* Quare hec de causa Suarez ibidem concludit, quod loquendo de actu pure electionis, ut sic nullam profus bonitatem habet a medio, sed primam suam, essentialis speciem accipit a fine; unde si finis honestus est, & propter illum, quatenus talis est, proxima intentio eligatur medium; prima bonitas talis electionis est ex fine, & illa est intrinseca, & essentialis tali electioni nisi, atque ideo invariabilis in tali actu, ut etiam Salmant. Lezana, Alvarez, & alii citant.

Verum, quoniam n. 229. ostendimus actum pure electionis, ut sic, bonitatem accipere posse a medio bono, quatenus tali nimirum quando consideratur, & amatur in aliquo medio utilitas ipsa ad speciem alterius virtutis, non solum ut concomitantem se habens, ac veluti materialiter ad honestatem eiusdem medii, sed ut fundata in ipsa honestate, ita ut ratio appetendi ipsam honestatem sit, quia ipsa honestas illius medii utilis est ad ulteriorem finem; dicendum est consequenter talem bonitatem pure electionis ex medio desumptam esse primam, & essentialis in actu ob regulam assignatam, quia ipsa invariabilis est in actu, utpotè illi ex natura rei conveniens, ubi bonitas est sine extrinseco desumpta variari potest in actu invariabilem, unde vel absolute negandum est actum pure electionis, ut sic, ullam sumere bonitatem a medio, quatenus tali, quod tamen valde difficultè negari potest ob rationes saepius inculcatas, & praelertim, quia si tota bonitas esset ex fine, omnia media essent aequalis bonitas, quia bonitas finis est eadem, & frustra eligeretur unum medium praeter alio; quare si bonitas esset ex fine, inter se sunt inaequalis in bonitate, cum hanc diversitatem ex fine habere nequeant, qui est unus, & idem eam ex mediis in se diversis habere fatendum est, vel semel concessio actum electionis etiam ex medio bonitatem sumere, hanc utique fatendum est esse primariam, & essentialis, utpotè in actu invariabilem, & ex natura rei, seu ex obiecto illi convenientem, & hac quidem fuit quoque sententia expressa D. Thomae *p. 2. q. 7. ar. 3. ad 3.* afferentis finem operantis non dare actui speciem substantialem, sed esse circumstantiam eius; si quis fortiter pugnet ob liberationem patriae, species essentialis illius actus non sumitur ex liberatione patriae, sed ex bono fortitudinis, ut notat Serra *q. 8. ar. 6.* in quo casu pugnant pro patria licet appetat honestatem fortitudinis, non tamen amat, ut talem, sed quatenus honestas talis medii utilis est ad patriae liberationem, ideoque electio talis medii sumit honestatem ab eo, quae tale, & sub ratione pure electionis, non autem quatenus quaedam particularis intentio extrinseca ordinata ad ulteriorem finem, in quo duntaxat sensu Auctores tertie sententiae concedebant electionem sumere essentialis bonitatem a medio.

239 Respondet Suarez *sect. 2. cit.* quando ad bonum finem eligitur medium aliquo bonum, & honestum ex obiecto, ut quando eligitur elemosina ad satisfaciendum pro peccatis; si talis honestas non intendatur formaliter, sed tantum eligatur realiter propter finem extrinsecum, electio habebit unam tantum speciem essentialis ex fine; si autem medium ex se honestum ametur propter propriam honestatem, & praeterea ordinetur ad ulteriorem finem, ut quae ille actus non est propria electio, de qua hic agimus, sed quaedam peculiaris intentio ad ulteriorem finem ordinata; Ad illud de electione unius medii praeter altero, inquit, hanc posse oriri ex fine, vel ex ipso medio, & sepe ex sola voluntate libertate; primum contingit, quando ipsa media, ut media sunt inaequalia, quia scilicet, unus magis confert ad finem, quam aliud; tunc enim finis quantum est de se movet efficacius ad eligenda.

eligendum utriusque medium; secundum contingit, quando media, ut media, sunt aequalia in utilitate, tamen unum excedit aliud in aliqua alia ratione boni, quae licet non confert ad finem, est tamen per se appetibilis, & hac ratione unum praefertur alteri, sed tunc electio non habet rationem pure electionis, sed induit rationem intentionis. Hec solutio principium petit; supponit enim id de quo est tota quaestio, nempe elemosinam factam in peccatorum satisfactionem non posse derivare suam bonitatem in actum electionis, nisi ejus honestas intendatur, & aliquo modo appetatur propter seipsum; etenim nos contendimus non tantum hoc modo suam bonitatem in actum electionis refundere posse, sed etiam si ejus honestas appetatur praecise, quatenus utilis est ad finem penitentiae consequendum; quo pacto praecise appetitur in ordine ad illud, & adhuc etiam honeste, quia utilitas ad bonum finem bona est; & sicut ad malum finem mala est, nam esse utile ad bonum est bona utilitas, sicut esse utile ad malum est mala utilitas.

Neque dicas, utilitatem bonam, vel malam medii a bonitate, vel malitia finis totaliter derivare; Nam utilitas ad finem, quae in ipso medio est, est aliquid distinctum a bonitate finis, nec illi omnino ab extrinseco obvenit a bonitate finis, ut generatim dixi de bonitate mediorum in ordine ad finem *disp. 7. de anima quasi 5. num. 107.* unde in proposito utilitas elemosinae ad finem penitentiae fundatur in honestate misericordiae, quae de se habet, non autem in honestate penitentiae. Ex quo etiam deducitur falsitas alterius dicti Suarez, quod quando media sunt inaequalia, electio unius medii praeter altero oritur totaliter ex motione finis; quia si finis movet magis ad eligendum medium utilius; jam ergo medium hoc habet illam majorem aptitudinem, & utilitatem ad finis consecutionem, a bonitate, & motione finis non mendaciam, atque ideo inaequalitas electionum in bonitate procedet ex diversitate mediorum, & non ex fine, qui est unus, & idem.

240 Respondet Suarez, quo utilitas ut sic, non facit rem amabilem, nisi supponatur amatum, ad quam est utilitas; utilitas enim in genere loquendo, nihil aliud est, quam virtus ad causandum aliquo modo effectum, nisi non habet rationem convenientis, vel inconvenientis; unde quatenus effectus ipse convenientis, vel inconvenientis est; ergo in medio utili, ut sic, tota ratio convenientia in ordine ad appetentem sumitur ex fine, atque ideo dicitur amare utilitatem medii, & amare illud ob finem, non tunc duo, sed finem, & idem. Sed contra; quia si utilitas mediorum non est nisi virtus causativa finis in esse reali, sicut vera est; jam media eam a fine non habent, sed ex propria natura, & conditione, quia virtus causativa non intenditur in causa ab ipso effectu, sed ipsum antecedit; ex eo igitur, quod utilitas, ut sic, non facit rem amabilem, nisi supponatur rem amatum, ad quam ordinatur, non bene deducitur, quod non sit distincta a bonitate finis, & quod non habeat convenientiam, vel inconvenientiam aliam ab ea, quae reperitur in fine; sed est solum quod sit bonitas dependens a bonitate finis, & illi subordinata, & quod movere non possit primario, & principaliter, sed solum secundario, & dependenter a bonitate finis; Denique quamvis amare utilitatem medii, & amare illud ob finem sint unum, & idem, cum hoc ad hoc fiat, quod talis amor possit a medio delumere bonitatem specie diversam ab ea, quae derivatur ex fine, ac etiam sibi essentialis.

241 Ad fundamentum Vaquez pro prima sententia adductum n. 234. concessio antecedente cum prima consequentia, negatur altera; imò quia electio primario dicitur, & immediatè cadit supra medium, & secundario tantum ac mediatè respicit finem, unde vocari solet assensus a mediis ad finem; primam, & essentialis speciem sumet a medio, saltem in genere moris, tanquam a suo obiecto proximo, quam a fine, qui est obiectum remotum; Ad Confirmationem jam dictam *et n. 126.* quod licet concederetur major de actu electionis in esse natura considerato (quod nec etiam absolute concessimus *disp. 7. de anima q. 7. n. 154.*) non est tamen universaliter vera in genere moris; Quod si dicas, ut obiectum refundat bonitatem in actum, debere esse motuum, nec sufficere quod sit terminativum, alioquin nullum esset discrimen ex parte obiecti in refundenda bonitate, & malitia. Responderi potest imò negando assumptum cum ejus probatione; adhuc enim inter bonitatem, & malitiam hoc intercederet discrimen, quod obiectum ut det bonitatem, debet esse formaliter directe, & expresse volitum, si ve sit volitum motivo, si ve solum terminativo, ut autem det malitiam, sufficit voluntarium virtuale, indirectum, ac interpretativum, potest etiam dici, quod licet utilitas mediorum non moveat affectum primario, & propter se, moveatur secundario, ut dictum est *disp. 7. cit. n. 110.* ex Scoto *3. disp. 34. q. 9. n. K.* & dependenter a bonitate finis, quod sufficit ad refundendum bonitatem in actum electionis.

Dices, actus specificatur a ratione formalis obiecti, non a materiali, sed finis se habet, ut obiectum formale electionis, medium vero ut materiale, quia finis est ratio volendi media, *Mald. in Secunda. Semer.*

ergo &c. Respondet majorem non esse universaliter veram in genere moris, quia species malitiae sumitur etiam ex obiecto materiali, deinde ad minorem dico, quod finis operantis, quando habet rationem circumstantiae, est ratio volendi media extrinseca, & mediat, ratio autem intentionis, intrinseca, & essentialis, est propria illorum bonitas, & ideo hac speciem tribuit actui; porro verum est finem aliquando non solum habere rationem finis; sed etiam rationis formalis attingendi aliquid obiectum ordinatum ad illum, tuncque speciem essentialis dare actui: ut quando proximum diligo propter Deum, tunc divina bonitas non solum est finis propter quem amatur proximus, sed etiam ratio formalis amandi illum, & ideo illa dat speciem essentialis charitatis illi amori; universaliter tamen loquendo finis solum dicitur obiectum formale electionis, medium vero materiale, quia bonitas mediorum vel nullatenus est motiva ad amorem, vel saltem non primò motiva, ut docet Doctor *loc. cit. 3. d. 34. cit.*

Tertia Difficultas.

243 Tertia Difficultas est: an idem actus plures possit habere fines simul, & semel moventes, à quibus etiam multiplicem accipiat bonitatem, vel malitiam, de quo fuse agunt Recentiores Suar. *tract. 3. disp. 4. sect. 3.* Arriaga *disp. 15. sect. 2.* Ovved. *tract. 4. contr. 3. punct. 4.* & alii. Nos breviter rem expediemus ex dictis in Philosophia tract. de causis; Potest itaque in primis idem actus habere plures fines subordinatos, idem, non atque proxime, & immediatè moventes, sed ordine quodam; sequitur ex praecedentibus, ubi visum est, actum unius virtutis fieri posse ex imperio plurium virtutum cum subordinacione unius imperii ad aliud, & clarissime docetur tum a Scoto *quod. 18. infra. L. tum D. Bonav. 2. d. 38. ar. 1. q. 3.* & quidem res de se patet, quoad illum subordinacionis modum jam praedecessimus; in quo actus unius virtutis assumitur, ut medium in ordine ad actum alterius, unde declaratione tantum indiget quoad aliam subordinacionis modum, in quo plura utriusque adhibentur motiva in ordine ad eundem actum cum aliquo eorum ordine, unum tamen non habet rationem medii in ordine ad aliud, sed unum quodque habet solum rationem finis, & extrinseci motivi ad eundem actum; alio tamen servato ordine, quatenus unum movet magis principaliter, aliud minus, unum proxime, & alterum remotè, quo subordinacionis modus semper unum, quousque argumenta adducimus ad aliquid laudandum ab honesto, utili, & delectabili, potest itaque hic idem subordinacionis modus intercedere inter plura motiva honesta, de quibus praefertim loquitur Scotus *l. 6.* in quo casu, & ordine motivum principale est proximum, minus principale remotum; & remotum subordinatur proximo, non est contra; in quo differt a primo subordinacionis modo, ubi motivum proximum subordinatur remoto, ut medium fini, non ita hic, unde ibi implicat, quod motivum proximum sit etiam principale, non vero in hoc secundo subordinacionis modo.

243 Sed Obiectes, unus numero habitus non potest esse in duplici specie virtutis, quia virtutis iustitiae, non potest esse simul virtus misericordiae; ergo nec unus numero actus, cum sit par ratio; est autem in pluribus speciebus virtutum saltem accidentaliter, si ex motivis diversarum virtutum eliceretur. Negat Beccanus paritatem de actu, & habitu, quia habitus ex natura sua non inclinatur, nisi ad actus suae speciei, nec pendet ex libera nostra intentione, ut inclinatur ad actus diversae speciei; ac operans efficere potest, ut actus qui proxime versatur circa obiectum honestum, & indè accipit primam, & essentialis bonitatem, ulterius referatur ad honestum finem extrinsecum, imò, & ad plures, à quibus singulis sumat accidentalem bonitatem. Posset tamen adhuc in bono finem admitti paritas, sicut enim habitus secundum se inclinatur tantum ad actum secundum substantiam, & concomitantem tantum ex coexistentia, scilicet, ad dictamen prudentiale inclinatur ad actus iustitiae, vel misericordiae; sic ex pluribus actibus liberè elicitis generatur habitus secundum substantiam, & ex pluribus actibus liberè, & cum coexistentia ad dictamen prudentiale iustitiae concomitantem producit virtus iustitiae; poterit itaque iuxta hanc doctrinam ex pluribus actibus elicitis principaliter ex uno dictamine v. g. iustitiae, & minus principaliter ex alio, scilicet, misericordiae, generari habitus, qui in genere moris fit in specie iustitiae essentialiter, & in specie misericordiae accidentaliter; quae doctrina si non placet, potest absolute negari paritas cum multa discrimina inter actus, & habitus versantia; ut Beccanus advertit *loc. cit.*

Deinde idem actus habere potest plures fines non subordinatos, partialiter tamen duntaxat moventes, quod ipsa experientia patet: multos enim voluntas unum medium praefert alteri, quia valet ad plures fines, quam alterum, quo casu movetur simul ab amore illorum omnium finium atque primò, sed non potest à singulis totaliter moveri, ut mox dicemus, ergo &c.







